



**ზოგადსაგანმანათლებლო
დანესაბუღებების ავტორიზაციის საბჭო**

30/12/2024



MES 9 24 0001671652

გადაწყვეტილება

**„სსიპ - ბაღდათის მუნიციპალიტეტის სოფელ ნერგეთის საჯარო სკოლის ავტორიზაციის
შესახებ“ ზოგადსაგანმანათლებლო დაწესებულებების ავტორიზაციის საბჭოს 2023 წლის 27
დეკემბრის N 1771665 ოქმის მეცხრე ნაწილში ცვლილების შეტანის შესახებ**

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად და საქართველოს ზოგადი ადმინისტრაციული კოდექსის 63-ე მუხლის პირველი პუნქტის საფუძველზე,

საბჭომ გადაწყვიტა:

1. შევიდეს ცვლილება „სსიპ - ბაღდათის მუნიციპალიტეტის სოფელ ნერგეთის საჯარო სკოლის ავტორიზაციის შესახებ“ ზოგადსაგანმანათლებლო დაწესებულებების ავტორიზაციის საბჭოს 2023 წლის 27 დეკემბრის N 1771665 ოქმის მეცხრე ნაწილში და ჩამოყალიბდეს შემდეგნაირად:

„ 9. სსიპ - ბაღდათის მუნიციპალიტეტის სოფელ ნერგეთის საჯარო სკოლის ავტორიზაციის საკითხის განხილვა

საბჭოს თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს წევრმა, ქეთევან ნატროშვილმა განაცხადა, რომ ის ვერ მიიღებდა მონაწილეობას აღნიშნული საკითხის განხილვასა და კენჭისყრაში, რადგან მოცემულ სკოლასთან ჰქონდა ინტერესთა კონფლიქტი. საბჭოს წევრებმა გაიზიარეს აღნიშნული შუამდგომლობა.

საბჭოს თავმჯდომარემ, დავით მაღაზონიამ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს, იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინა ზოგადი განათლების ხარისხის უზრუნველყოფის ექსპერტმა, მაგდა მიქაბერიძემ. ექსპერტმა განაცხადა, რომ სსიპ - ბაღდათის მუნიციპალიტეტის სოფელ ნერგეთის საჯარო სკოლაში ავტორიზაციის ვიზიტი განხორციელდა 2023 წლის 09 და 10 ოქტომბერს. სკოლა მდებარეობდა ბაღდათის მუნიციპალიტეტის სოფელ ნერგეთში, პირველი ქუჩა N10-ში. სკოლა ახორციელებდა ზოგადი განათლების დაწყებითი, საბაზო და საშუალო საფეხურების ზოგადსაგანმანათლებლო პროგრამებს, ქართულ ენაზე. ზოგადსაგანმანათლებლო დაწესებულების სტატუსის მაძიებლის თვითშეფასების ფორმის თანახმად, დაწესებულების მიერ მოთხოვნილი მოსწავლეთა ადგილების ზღვრული რაოდენობა შეადგენდა 80 მოსწავლეს, აქვე, ექსპერტმა განმარტა, რომ აღნიშნულ მოთხოვნას ეთანხმებოდა ექსპერტთა ჯგუფი და დაწესებულებას შეეძლო შესაბამისი საგანმანათლებლო მომსახურება გაეწია 80- მოსწავლისთვის.

მაგდა მიქაბერიძის განცხადებით, პირველი და მეოთხე სტანდარტი შეფასდა როგორც „შეესაბამება სტანდარტის მოთხოვნებს“, მესამე სტანდარტი შეფასდა, ასევე „შეესაბამისად“, თუმცა კომპონენტები 3.4 და 3.5 შეფასებული იყო, როგორც „მეტწილად შეესაბამება სტანდარტის მოთხოვნებს“. რაც შეეხებოდა მეორე სტანდარტს, ზოგადი განათლების დაწყებითი საფეხურის ზოგადსაგანმანათლებლო პროგრამა შეფასდა „შეესაბამისად“, თუმცა ზოგადი განათლების საბაზო და საშუალო საფეხურის ზოგადსაგანმანათლებლო პროგრამები ექსპერტთა ჯგუფმა შეაფასა როგორც „მეტწილად შესაბამისი“, რაც განპირობებული იყო აღნიშნულ საფეხურებზე 2.2 კომპონენტის „მეტწილ შესაბამისად“, შეფასებით.

ექსპერტმა აღნიშნა, რომ თითოეულ ინდიკატორთან დაკავშირებით, რომელიც შეფასდა მეტწილი შესაბამისობით, ექსპერტთა ჯგუფის მიერ დაწესებულებისათვის გაცემული იყო რჩევები და რეკომენდაციები. მისი განმარტებით, აღნიშნული აღწერილი იყო ზოგადსაგანმანათლებლო დაწესებულებების ავტორიზაციის ექსპერტთა ჯგუფის დასკვნაში.

ექსპერტმა ისაუბრა სკოლის საუკეთესო პრაქტიკაზე და აღნიშნა, რომ სსიპ - ბაღდათის მუნიციპალიტეტის სოფელ ნერგეთის საჯარო სკოლა იყო მცირეკონტიგენტიანი. დაწესებულება ორიენტირებული იყო თითოეული მოსწავლის მხარდაჭერასა და განვითარებაზე. სკოლის მასწავლებლები მოხალისეობრივი საწყისებით ამზადებდნენ დამამთავრებელი კლასის მოსწავლეებს ერთიანი ეროვნული გამოცდებისთვის. ექსპერტის განცხადებით, ვიზიტის პერიოდში გამოიკვეთა, რომ სკოლაში იყო თანამშრომლობითი და კეთილგანწყობილი გარემო, რომელიც აისახებოდა მოსწავლეთა აკადემიურ მიღწევებზე. სკოლაში ფუნქციონირებდა სხვადასხვა კლუბები არაფორმალური განათლების მიმართულებით, დაწესებულებას გაფორმებული ჰქონდა მემორანდუმი პროფესიულ კოლეჯთან „იბერია“ და უნივერსიტეტთან, რაც მოსწავლეებს საშუალებას აძლევდა აემაღლებინათ ცნობიერება პროფესიული ორიენტაციის მიმართულებით.

ექსპერტის განმარტებით, სკოლის ბაზაზე ხდებოდა მომავალი მასწავლებლების მომზადება აკაკი წერეთლის სახელმწიფო უნივერსიტეტთან თანამშრომლობის საფუძველზე.

ექსპერტის თქმით, განსაკუთრებით აქტიური და გამორჩეული იყო დაწესებულებაში არსებული სპორტის მიმართულება. სკოლას მოგებული ჰქონდა უამრავი პრიზი სხვადასხვა სპორტის სახეობაში. მან ასევე გააზიარა სკოლის ინფრასტრუქტურის ფოტო-მასალა.

საბჭოს თავმჯდომარემ საზოგადოებრივი მეცნიერებების საგნობრივ ექსპერტს სთხოვა დაეზუსტებინა, გაეცნო და მიაჩნდა თუ არა შესაბამისად სკოლის მიერ ბმულების სახით წარმოდგენილი სასწავლო რესურსები.

საზოგადოებრივი მეცნიერებების საგნობრივმა ექსპერტმა, კახა გალდავამ განაცხადა, რომ ის გაეცნო აღნიშნულ რესურსებს და მიიჩნევდა, რომ ზოგიერთ მათგანი იყო მწირი, ან საერთოდ შეუსაბამო. მან აღნიშნა, რომ ვიზიტის დროს განხორციელდა ზემოხსენებული საკითხების განხილვა და დაწესებულებისგან განმარტებების მიღება. , მისი თქმით, სკოლამ სწავლის დასაწყისში შექმნა რესურსები საკმაოდ დაჩქარებულ დროში და ამ მიზეზით ვერ მოხდა დოკუმენტაციის სრულყოფა.

საბჭოს თავმჯდომარემ აღნიშნა, რომ სკოლას წარმოდგენილი ჰქონდა თვითმმართველობის ოქმი, რომელშიც ასახული იყო ერთი მოსწავლის არჩევა თვითმმართველობის შემადგენლობიდან დისციპლინურ კომიტეტში, თუმცა სხვა დოკუმენტი, რომელიც ასახავდა აღნიშნული კოლეგიალური ორგანოს მუშაობას, დაწესებულების მიერ არ იქნა წარმოდგენილი. საბჭოს თავმჯდომარემ სკოლის წარმომადგენელს სთხოვა დაეზუსტებინა რომელ მნიშვნელოვან ინიციატივებს განიხილავდა მოსწავლეთა თვითმმართველობა.

სკოლის დირექტორმა, მანანა გურგენაძემ განაცხადა, რომ თვითმმართველობის ინიციატივით სკოლაში მიმდინარე პერიოდში თვითმმართველობის ინიციატივით ხორციელდებოდა პროექტი „ეკო კლუბი“.

საბჭოს წევრმა, ზვიად გოგუაძემ განაცხადა, რომ სკოლას ვეგ-გვერდზე განთავსებულ ძლიერ მხარეებში დაფიქსირებული ჰქონდა ინფორმაცია დაწესებულების მიერ მოსწავლის სოციალური, ფინანსურ-მატერიალური მდგომარეობის შესახებ საჭიროებების დადგენის თაობაზე, შემდგომი ინტერვენციების დაგეგმვის მიზნით. საბჭოს წევრმა სკოლის წარმომადგენელს სთხოვა გაეზიარებინა, რას გეგმავდა სკოლა ამ მიმართულებით.

სკოლის დირექტორმა, მანანა გურგენაძემ განაცხადა, რომ მათი მოსწავლეები ქმნიდნენ ხელნაკეთ ნივთებს, რომლის გამოფენა - გაყიდვასაც გეგმავდა სკოლა, შემოსული თანხით კი აპირებდნენ მოსწავლეების დახმარებას.

საბჭოს წევრმა, ზვიად გოგუაძემ, სკოლის დირექტორს რჩევის სახით განუცხადა, რომ სათანადოდ გაეთვალათ და გაეთვალისწინებინათ მოცემულ საკითხთან დაკავშირებული რისკები.

საბჭოს თავმჯდომარემ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრებს შეკითხვები არ ჰქონდათ.

საბჭოს თავმჯდომარემ კენჭისყრაზე დააყენა სსიპ - ჩოხატაურის მუნიციპალიტეტის სოფელ შუა ამაღლების საჯარო სკოლის ავტორიზაციისა და მოსწავლეთა ადგილების ზღვრული რაოდენობის 80-ით განსაზღვრის საკითხი.

კენჭისყრის შედეგები:

მომხრე - 11

წინააღმდეგი - 0

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“

ქვეპუნქტის, 21-ე მუხლის პირველი, მე-2, და მე-3 პუნქტებისა და 27-ე მუხლის მე-4 პუნქტის შესაბამისად, სსიპ - ბაღდათის მუნიციპალიტეტის სოფელ ნერგეთის საჯარო სკოლას (ს/კ:225065372) 6 წლის ვადით მიენიჭოს ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 80- ით. დაწესებულებას მიენიჭოს უფლებამოსილება განხორციელოს შემდეგი ზოგადსაგანმანათლებლო პროგრამები:

N	ზოგადსაგანმანათლებლო პროგრამის სახელწოდება	ზოგადსაგანმანათლებლო პროგრამის საფეხური	ზოგადსაგანმანათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	ბაღდათი, სოფელი ნერგეთი, პირველი ქუჩა N10
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	ბაღდათი, სოფელი ნერგეთი, პირველი ქუჩა N10
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	ბაღდათი, სოფელი ნერგეთი, პირველი ქუჩა N10

საბჭომ შუამდგომლობით მიმართა ცენტრს დაწესებულებაში მონიტორინგის განხორციელებასთან დაკავშირებით:

მონიტორინგის დაწყების პერიოდი - 2025 წლის დეკემბრიდან;

მონიტორინგის განხორციელების ფორმა - ექსპერტთა ჯგუფის მიერ დოკუმენტაციის შესწავლა;


მონიტორინგის ფარგლები: მეორე (დაწყებითი, საბაზო, საშუალო საფეხურების ზოგადსაგანმანათლებლო პროგრამები) სტანდარტი.

საბჭომ 3.4 და 3.5 კომპონენტის შეფასების გათვალისწინებით, ზოგადსაგანმანათლებლო დაწესებულებას განუსაზღვრა რეკომენდაციები და რეკომენდაციების შესრულების პროგრესის შესახებ ცენტრის ინფორმირების ვალდებულება 2024 წლის დეკემბრამდე, კერძოდ, სკოლამ უზრუნველყოს სამედიცინო კაბინეტის სრულყოფილად აღჭურვის (შირმა, კომპიუტერი, პულსოქსიმეტრი, მხედველობის შესამოწმებელი ცხრილი, კისრის ფიქსატორი, გადაუდებელი დახმარების ჩანთა, ბასრი სამედიცინო ნარჩენების კონტეინერი, შპადელი, სტერილური საფენები. ექთნისთვის სამედიცინო შემთხვევების აღრიცხვის ჟურნალი და მომსახურების სააღრიცხვო ფორმა), შენობა-ნაგებობების სახანძრო უსაფრთხოების მოთხოვნებთან შესაბამისობის შესახებ დასკვნის, საგანგებო სიტუაციების მართვის გეგმის შემუშავებისა და შეთანხმების, სკოლის მოძრავი პანდუსით/ან ლიფტით აღჭურვის დამადასტურებელი დოკუმენტაციის წარდგენა ცენტრში.“

2. ზოგადსაგანმანათლებლო დაწესებულებების ავტორიზაციის საბჭოს 2024 წლის 30 დეკემბრის N1670966 სხდომის ოქმის მერვე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ. ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
მალაზონია დავით



სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ჯინჭარაძე მანანა

